

Urden da gestiun dal Corpus catholicum

Relaschè dal Corpus catholicum,
sin fundament dad art. 14 da la constituziun da la baselgia chantunala,
ils 23 d'october 1985

Art. 1 Vigur da l'urden da gestiun dal cussegl grond

Uschenavant che quest urden da gestiun na cuntegna naginas disposiziuns spezialas, valan las prescripziuns da l'urden da gestiun dal cussegl grond analogamain.

Art. 2 Validaziun dals mandats

Cun la communicaziun dals nums da las personas elegidas a l'entschatta d'ina perioda d'uffizi tras la suprastanza dal cumin-baselgia competent u il biro electoral èn ils delegads dals cumins-baselgia legitimads da far part dal Corpus catholicum. Per ils delegads da l'ordinariat episcopal vala sco legitimaziun la communicaziun da quel e per ils commembers da la regenza e dal cussegl grond valan las declaraziuns en scrit da quels tenor art. 6 cif. 2 da la constituziun da la baselgia chantunala.

Ils mandats dals suppleants dals delegads dals cumins-baselgia e da l'ordinariat episcopal valan sco validads sin fundament da las medemas premissas sco per ils delegads.

Ils commembers dal cussegl grond n'han nagins suppleants.

Art. 3 Convocaziun

Il Corpus catholicum vegn convocà da la cumissiun administrativa a sias radunanzas. Il termin da la radunanza annuala ordinaria dal Corpus catholicum sto vegnir communitgà almain 3 mais ordavant - cun rinviament al termin per inoltrar propostas tenor art. 12 al. 1 sutvart - e la convocaziun ha da succeder almain 14 dis avant la radunanza cun indicaziun da las tractandas. Entaifer il medem termin - cas urgents èn resalvads - èsi da trametter ils documents als commembers dal Corpus catholicum.

La glista da tractandas fixescha la cumissiun administrativa en cunvenientscha cun il president dal Corpus catholicum.

Art. 4 Avertura

L'emprima e la terza radunanza ordinaria d'ina perioda d'uffizi avra il president da la cumissiun administrativa, las ulteriuras avra il president dal Corpus catholicum.

Art. 5 Dumbravuschs

Il Corpus catholicum elegia trais dumbravuschs mintgamai per dus onns d'uffizi.

Art. 6 Elecziuns

Il Corpus catholicum elegia tenor la constituziun da la baselgia chantunala

- a) il president, il vicepresident e l'actuar dal Corpus catholicum,
- b) il president, il vicepresident e trais commembers e dus suppliants da la cumissiun da gestiun,
- c) il president e trais commembers da la cumissiun administrativa,
- d) il president, quatter commembers e dus suppliants da la cumissiun da recurs.

Il president ed ils trais commembers da la cumissiun administrativa vegnan elegids tras scrutini.

Las ulteriuras elecziuns succedan cun maioritad averta e comunablamain per tut ils candidats, premess ch'i na dettia betg dapli candidaturas che mandats e che nagin commember dal Corpus catholicum na pretendia in scrutini. La successiun dals suppliants che pon far part da la cumissiun da recurs e da la cumissiun da gestiun sa drizza en cas d'in scrutini tenor il meglier resultat electoral, uschiglio l'emprim tenor l'anzianitad e lura tenor la vegliadetgna pli auta.

Art. 7 Cumissiun da gestiun

a) Cumposiziun e durada d'uffizi

La cumissiun da gestiun sa cumpona da tschintg commembers e da dus suppliants che ston esser commembers dal Corpus catholicum. Il Corpus catholicum nominescha il president ed il vicepresident.

La cumissiun da gestiun elegia or da ses ravugl ina giunta che cumpiglia dus commembers ed in suppliant, la quala ha da revider ils quints en il senn dad art. 7 da l'ordinaziun davart l'administraziun da las finanzas. En questa giunta sto esser ina persuna dal fatg. Sch'i na dat betg ina tala tranter ils commembers u ils suppliants da la cumissiun da gestiun, èsi d'eleger in expert extern sco terz commember da la giunta.

Ella nominescha in actuar.

La cumissiun da gestiun vegn elegida per ina perioda d'uffizi da dus onns. Ses commembers pon vegnir reelegids trais giadas ed ils suppleants èn reeligibels senza restricziun.

Art. 8 b) Incumbensas

La cumissiun da gestiun ha las suandantas incumbensas:

- a) controllar las fatschentas da la cumissiun administrativa sin fundament dal rapport uffizial, dals protocols e da las actas;
- b) verifitgar il quint annual sin fundament da la contabilitad e dals documents da sia giunta;
- c) predeliberar il preventiv;
- d) predeliberar autras fatschentas dal Corpus catholicum, sch'il biro n'elegia betg ina cumissiun predeliberanta per quai.

Per sias discussiuns po la cumissiun da gestiun consultar per infurmaziun commembers da la cumissiun administrativa, il secretari e l'administratur da la cassa.

La cumissiun da gestiun dat rapport al Corpus catholicum e fa propostas. Davart il resultat da la revisiun da quints fa la giunta in rapport en scrit cun propostas per mauns dal Corpus catholicum.

Art. 9 Biro

Il president ed il vicepresident dal Corpus catholicum, ils trais dumbravuschs sco era il president ed il vicepresident da la cumissiun da gestiun furman il biro dal Corpus catholicum. Il president dal Corpus catholicum maina il biro.

Il biro ha las suandantas incumbensas:

- a) preparar tut las elecziuns dal Corpus catholicum e suttametter a quel las candidaturas;
- b) eleger las cumissiuns predeliberantas necessarias per las fatschentas dal Corpus catholicum;
- c) decider davart il tractament e l'urgenza da las intervenziuns inoltradas dals commembers dal Corpus catholicum.

L'actuar dal Corpus catholicum sa participescha cun vusch consultativa a las sedutas dal biro e procura per il contact tranter la cumissiun administrativa ed il biro.

Art. 10 Obligaziuns d'uffizi

Its commembers dal Corpus catholicum e da sias cumissiuns sco era ils commembers da la cumissiun administrativa s'obligeschan cun l'acceptaziun da la tschernia d'ademplir tut las obligaziuns da lur uffizi tenor meglier savair e pudair. I na dat naginas saramentaziuns.

Art. 11 Cumenzament e fin da la perioda d'uffizi

La perioda d'uffizi dals delegads dals cumins-baselgia e da l'ordinariat episcopal cumenza mintgamai il 1. da fanadur. La durada d'uffizi dals commembers da la regenza e dal cussegl grond sa drizza tenor la reglamentaziun per lur mandats politics.

Las periodas d'uffizi da la cumissiun da gestiun e dal biro cumenzan cun la tscherna da lur commembers e duran fin il di da l'eventuala reelecziun. Ils commembers dal biro ch'èn sortids dal Corpus catholicum avant questa radunanza da reelecziun, mantegnan lur funcziun sco commember dal biro enfin la fin da la perioda d'uffizi dal biro. Ils commembers e suppleants da la cumissiun da gestiun che sa chattan en la medema situaziun, perdan dentant lur commembranza en la cumissiun da gestiun, cur ch'els sa retrain dal Corpus catholicum. Il biro elegia ils substituts necessaris da la cumissiun da gestiun per il rest da la perioda d'uffizi, sche pli pauc che tschintg commembers e suppleants restan en uffizi.

La perioda d'uffizi da la cumissiun da recurs cumenza il 1. da schaner suenter l'elecziun.

Art. 12 Intervenziuns

Ils commembers dal Corpus catholicum han il dretg, tenor l'urden da gestiun dal cussegl grond, d'inoltrar moziuns, postulats, interpellaziuns e dumondas en scrit. Per ch'ina intervenziun possia vegnir tractada e respundida en la proxima radunanza dal Corpus catholicum, sto quella, nun ch'i sa tractia d'in cas urgent, vegnir inoltrada almain dus mais avant la radunanza al president dal Corpus catholicum.

A chaschun da l'enquista en la radunanza dal Corpus catholicum po mintga commember far propostas e dumondas per mauns da la cumissiun administrativa. In commember da la cumissiun administrativa, il secretari u l'administratur da la cassa prenda lura posiziun.

Art. 13 Entrada en vigur

Quest urden da gestiun va en vigur suenter l'approvaziun tras il Corpus catholicum.